

اداره مخصوصه

درسعادتنده باب عالی جاده سنده

محل اداره :

مشارف

۱۳۲۶

اخطار :

مسئله کوزه موافق آثار جدیدیه مع المنوئیه

قبول اولنور

درج ابدلهین آثار اعاده اولنور

دین ، فلسفه ، ادبیات ، حقوق و علوم دین باحث هفته لاق رساله در

مؤسسه لری : ابوالعلا زین العابدین - ح . اشرف ادیب

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادتنده

ولایاتده

ممالک اجنبیه ده

درسعادتنده پوسته ایله کوندریلیرسه ولایات بدلی اخذ اولنور

ایکنجی جلد

۱۹ رجب ۳۲۷ پنجشنبه ۲۳ تموز ۳۲۵

عدد : ۴۸

صورت اعلان

بسم الله الرحمن الرحيم

صوك زمانلرده مسلمانلرك ، مدنيت و معارفه ترقى ايتمش اولان ديكر ائم واقوامك واصل اولدقلرى مرتبه ترقى اجتماعيه دن بك كرى قالمش بولقلرى ، بوكى احوال ايله اشتغالدن بر آن خالى اولميان بعض مسلمانلرك يوركنده ، دين اسلامه داخل اولان بدعتلرى آرايوب بولمغه ، مسلمانلرك ، ديكر ائم واقوامه مجارانا واونلرك اثرلرينه اقتفاء و سائل ترقى به نشب ايدرك مجتمعات راقبه انسانيه لوازمندن بولنان طريق حيات علميه صحيحه ده قطع مراحل ايلملرينه مانع ملل اجتماعيه بي تشخيص ايتمهك بيسوك بر ميل واهتمام توليد ايتمشدر .

غورين مومى اليهك بوباده بذل ايتمهكده بولندقلرى جهد و مساعيه رغماً بر جوق يرلرده مسلمانلرك قسم اعظمى علل مذكورهك ادويه شافيه ايله تدوى ووسائل نافعيه بي بالاتخاذ بوكى امراض اجتماعيه دن توقى ايدلمسندن اعراض ايتمهكده اولدقلرى كمال ناسف ايله كرليكده در ، سبى ايسه ظن اولنديغه كوره ، اشخاص غيرتمندان مومى اليهك ميدانه قويتمش بولندقلرى ابحاث انفراديهك صداى ، عددلرى يوزلرجه مليون لره بالغ اولوب عادتا متلاطم بردكردن فرقى بولميان او محيط عظيمى مختلف الجنس والسان اقوام اسلاميه طبقات كشفه سى بالنفوذ قولاقلرينه واصل اوله مامسندن ايلرى كلكهكده در . بوجهله يورككرنده تاثير مطلوب حاصل اوله ميه رق امراض اجتماعيه ودينه لرني ماحلات شافيه ايله تداويده بولناملرى حسييله هيئت مجتمعه لرني تبليك ، توكل ، جهالت كى ادران معتبه دن تطهيردن بر لحظه كرى قالميان ائم راقبه مصافه چيقامامقده درلر .

بوسيدن غيرتمندان مسلمانندن قريلى اسماعيل غصبرنسكى بك برنجى دفته سنده مصرده تجمع ايتك اوزره عمومى بر مسلمان قونفره سنك انعقادى تشكليف ايتمشدر . بوقونفرهك انعقادندن مقصده ، بتون اقطار اسلاميه دن اعضا صفتيله كلوب قونفره ده بولنه حق افكار عاليه اصحابك وامت اسلاميك امراض اجتماعيه لرني آرا- شديروب بولمقله مشغول بولنان ذوات منورهك نتايج بحث ونجرياتى قونفره ده موقع مذاكره وضع وامراض مذكورهك معالجه سى ايجون الزم اولان ادويه حقنده تعاطى آرا ايدلمه سيدركه بو واسطه ايله بلكه مسلمانلر اطرافلريني صارمش اولان انحطاط وتأخر ك اسبابنه واقف اوله رق كوزلريني آچارلر ، متنبه اولورلر وكنديلريني سمادت حاله ، شهراه ترقى به وارديره حق وسائله نشب ايدرلر .

مومى اليه اسماعيل بكك بوتكليفى زمانمزرده ، مسلمانلردن جوغتك متأثر بولنديغى عيني آلام ايله متالم بولنان مصر ليالرجه دخى قبول ايدلمكه همان بر هيئت تأسيسيه تشكيل ورياستنده ، الازهر جامع شريفى شيخ سابق الشيخ سليم البشرى بي انتخاب ايتمشلردر . هيئت تأسيسيه مذكورهك وظيفه سى اسماعيل بكك تكليفى هروجهله كوزدن

كجروب تنفيذ ايتك اولديغندن متعدد اجتماعه وقوعبولان مداولاتدن صكره بوامنيه خيريه بي قوه دن فعله چيقارمغه قرار ويرمشدر . هيئت تأسيسيه شوقرارينك انسانيت محبلرى ترقى ومدنيت طرافدارلرى جانبندن استحسان ايله قبول ايديله رك بوباده هر نوع يارديمندن كرى قالمه جقلريني اميد ايدور .

هيئت تأسيسيه ، عمومى مسلمان قونفره سنك نظامنى ، موضوعى اعضالغه كيفيت قبولنى ، بين بر قانون وضع وطبع ايتمشدر كه بوبياننامه ايله برابر بتون اقطار اسلاميه ده منتشر مسلمان خزنه لرينه هيئت تأسيسيه جه ناملرى معروف بولنان وياخود نره لردن اولور ايسه اولسون اساميسى كوندريله جك فضلاى مسلمينه ارسال قيلنه جقدر . هيئت تأسيسيه وجه مذكور اوزره وقوعبولاجق اعلان دعوتك قونفره به اشتراك ياخود انسانيته خدمه و تعاون على الخير قاعده سنده اتباعاً قونفره به واعضاسنه معاونت ايتك آرزوسنده بولنان علمائى وفضلاى مسلمينه وصوله كافى عد ايتمش اولديغى كى قونفرهك انعقاد تاريخك تعيننده دعوتنامهك هر طرفه نشرندن صكره به براقش در . قونفرهك مباحث ومذاكراتنه اشتراك آرزوسنى مين ارباب علم وفضلدن وارد اولاجق قبولنامهك عددى كافى بر مقداره بالغ اولور اولماز قانوننامهك يكرمى دردنجى ماده سنده توفيقاً قونفرهك تاريخ انعقادى اجتماعدن آلتى آى اول بتون اقطار اسلاميه ده نشر واعلان ايديله جكدر .

بوندن طولاي هيئت تأسيسيه ۱۳۲۶ سنه سنك ختامندن اول قو- نفرهك تاريخ انعقادى تعيين ايديله بيلمسى ايجون بودعوت نامه به واقف وياخبردار اولالرك قونفره به اشتراك ايتدكلريني مين قبول نامه بي بر آن اول كوندرمه لرى موجودر . هيئت تأسيسيه قونفرهك حج ايلرندن اول انعقاد ايمه سى آرزوسنده بولنيور همان جناب حق كال فلاح ونجاح ايله توفيقات سبحانيه سنده مظهر بيورسون .

ازهر جامى شيخ سابق وهيئت تأسيسيه رئيسى

الشيخ سليم البشرى

۱۹۰۸ سنه سى مارت آخرنده مصردن كلور ايكن اوج كون تكرار استانبولده قلوب قونفره نظام نامه سنك عربى ، تركى قطعه لرني يلديزه تقديماً كوندردم . ايران سفيرى پرنس ميرزا رضاخان دانش و صدر اعظم بولنان دولتو فريد پاشايه دخى برر نسخه تقديم ايدرك ملاقات ايتدم . ميرزا رضاخان جنابلى مؤتمراسلامى فكرينى غايت خوش كوروب ايران ايشلرى كسب سكونت ايتديكى حالده ايران فضلاى وعلمائى قونفره به اشتراك ايديه جكلرندن امين اولدقلريني بيان بيورديلر .

فريد پاشاييله ملاقاتم آيرجه بر صورتده جريان ايتدى . مؤتمر اسلامى خصوصنده كورشمك استديكمى يازمشدم ؛ لطفاً بيورسونلر جوابى و يرلدى « يلديز » سكوت ايتديكى حالده صدر اعظم نهديه جك ديومراق ايديو رايدم ايجرويه كيردم ممكن اولدجه سكوته

قرار ویرمیش ایدم . چونکه پاشا جنابلری یازدیغ مکتوبه و تقدیم ایتدیکم مؤتمر نظامنامه سینه بناء بیان افکار ایدیه بیولورلردی . مصر دن قریمدن بش اون سؤال ایتدکدن صکره عالم اسلامک انحطاطندن ، معارفک فقدانندن بختله تکثیر واصلاح مکاتبه چالیشمق لزومندن اقوام اسلامک علومدن زیاده خرافاته طالمش بولندیغندن اطرافلیجه مطالعه لری ایتدیله ؛ بنده لری ده آغز مه مؤتمر یاقونغر مه سوزینی کتور میوب پاشانک نظر ومطالعه لری قبول وبعض علاوله لری ایدرک اوج چایرک قدر مکالمه ده بولندق مکالمه نهایت بولقدده . « منون اولدم ؛ استانبوله هر نه وقت تشریف بیوریلورسه قیو دائم آجیقدر » ایله تلطیف بیوردیلر .

فرید پاشانک بیانات منوره ندن آکلادیغ « مؤتمر اسلامی آرزو اولور ولازمدر . فقط استانبوله (اوت ، اوزمان) بونک اسمی بیله سویلنمز ؛ معافیه ایشکزدن منونم » دن عبارت ایدی ، بن بویله آکلادم . دکلسه معذور بیورسونر .

درسمادت علماسندن یالکز روم ایلی قاضی عسکری محمود افندی ایله کوریشسه بیلمشدم ؛ بو آدم بر چوق دلائل شریفه ایله مؤتمرک جوازی ، لزومنی وفائده لری بیان بیوروب بنده لری منون ایتشار ایدی . صوکره مسلمانلر قونغر مه سینه دائر روسیه سفارت خانه سی مشاوری موسیو مایقوفه معلومات مختصره عرض ایدرک قریمه کچدم .

اسماعیل غصبرنسکی

ذکر جمیل

کائنات انسانیه نظر حکمه آچلمش برکتاب مبین درکه هر عصر اوکتابک بر صیغه سی ، هر بطن بر سطر ی ، یاخود بر جمله سی مقامنده در . بزم ایچین ایسه ادیب قدر تک قلمندن چیقان بتون آثار محض عبرتدر . بوکتابی تبعدن استحصال ایدیه جکمز ایلمک منفعت اقوام مختلفه نک مختلف دورلرده کی احواله اطلاعدن عبارتدر . بر طاقم امتار کورو . ریزکه بویومشدر ، آسمان معالی به طوغری یوکسلمشدر ، حتی نظر لری احاطه ایدمه جکی در جاته قدر چیقمشدر . بو تعالی بی متعاقب انحطاطه ، سقوطه محکوم اوله رق آرقه لرنده تاریخی بر طاقم خاطر لرده بشقه هیچ بر اثر بر اقامق شرطیه محو اولوب کیتمشدر . بر طاقم نسللر کوروریزکه کوشه مجهول عدمده ایکن بر موجودیت مکمله اکتساب ایدرک جمعیت بشریه آره سنده موقعلری باشک بدنده کی موقعی قدر رفعت بولمشده صکره ینه کلش اولدقلری ایله منسیته طالمشدر . بر طاقم اقوام کوروریزکه حالا ثیاب فاخره عز و شرف ایچنده خرامان اولور ، شواهق نفوذ وقوتدن بتون عالمه امرلر ، نهیلر اصدار ایدیور .

انسانلر ایچنده اوله لری واردرکه بوکی شتونی ، بوکی انقلابانی عادتاً رسم لوحه لری سیر ایدرکی تماشا ایدر . طبعنه موافق کلنلری

بکنیر ، کلنلره انفعال کوستیرر . حالبوکه اوشئونک منشأ ظهورینه ، اوانقلابانک اسبابنه قارشى غفلت محض ایچنده در . حتی حادثات واقعته نک سببی صوروله حق اولسه « الله الله ! بویله اوله کلش ، بویله کیده جکدر . بتون بونلر طامک جلوه سیدر . انسانلرک سعادتی ده ، محرومیتی ده طالعیرینک اقباله ، یاخود زواله مربوطدر » دیر .

ینه انسانلر ایچنده اوله لری واردرکه ظواهر شئوننه طاقیلوب قلمیه رق حقیقه ایصال نظر ایتک ایتسر امتارک کمال و زوالنده تابع اولدقلری اسبابه واقف اولور . بر امتک مظهر اولدینی خیرک آنجق افرادی آره سنده کیجه کوندوز چالیشان ، ملتداشیرینک فوز و فلاحی اوغرنده مالرینی ، جانلرینی بذل ایدن افراد کریمه طرفدن کله بیله جکی آکلار . بوکی افرادک دیلارده یاد جمیل طولاشدیغی ، قلملرده بر موقع محترمی اولدینی کورور . بوامتیارک ایسه اتله قاندن عبارت اولان بدنه عائد اولیوب روحک بیوکککندن ، همتک عظمتندن ایلری کلدیکنی تیقن ایدرک کندیسى ده بو عالمده بریاد مخلد بر افاق سوداسیله اونلرک طوتمش اولدینی مسلكه سالک اولور .

بر کره ده او مسلكه کیردیمی دها یولک باشلانغجده کوزی بیلمه یه ؛ دها ایلمک آدیملرنده آیاقلری سنده له یه باشلار . چونکه طریق معالی بر یر کسک قولار ، بدن جدا باشلر ، قولسز ، قنادسز کووده لر ، دوکولش صاچلر ، ازیلمش سینهلر عرض ایدیه جکی کی طوبراق باشدن باشه طلب حق اوغورنده فدای جان ایدن شهدای حیتک مقابریله ایشانمشدر .

صاغدن ، صولدن ، اوکدن ، آرقه دن بیک مدهش صدا کلیر . لکن آرتق کری دونوب قورتلمه نک امکانی یوقدر بویول ایتراسته منز باشه چیقاریله حق .

ایشته طلب علا ایله میدان آتیلان ارباب عزیمک او کنده اوله دهشتلر ظاهر اولورکه بدایتی حیاتی تهلیکه یه قویق ، نهایتی حیاتی فدا ایتکدر . کاه اولور ، عزمنه فتور ، همتنه ضعف هجوم ایدرده آرتق ایلریلمک ایسته منز ، کال مسکنتله کری به دونه رک کندیسنه یک موافق اولان حفره نسیانه بر چوقلری کی کومولور کیدر .

کاه اولور ، قلبه آلهی بر الهام اینهرک اوکا شو حقیقی تنویر ایدرکه : کرک اونک کندی شخصندن ، کرک هیئت مجموعه سیله امتلردن ، کرک بالعموم انسانلردن بویوک بویوک حرکتلر بکله نیور ؛ او حرکات عظیمه یی ایفا ایچون هر درلو شدائده کوکس کریمک ، هر درلو مواعنی اقتیحام ایتک لازم کلور ؛ جناب حقلک بشره تودیع ایلدیکی قوای عالیه وملکات سامیه ایسه همتی ، عزمی غایه امانیسنه ایصال ایچون اک بویوک برمعین بولونیور .

جناب حقلک حیات انسانیه یه مظهر ایتش اولدینی بر وجود هجوم مشکلاته قارشى ییلغیلق کوسترمک شویله طورسون ، خصمی صولتنی آرتدیردقجه اوده مقاومتی ، قهر و غلبه یه اولان حرصتی اونسیته آرتدیرر ؛ فصل که معارضنک جدله ایلری کیتیمی عزت نفس صاحبی اولان بر مباحثک فتوره ، یاسه دوشمنی دکل ، بالعکس دها قوتلی ،